

# GENEALOGIE ou

L'EXTRACTION, ET VIE DE  
**IVILLE MAZARIN**  
Cardinal & Ministre  
d'Estat en France.

A PARIS,

Iouxte la coppie Imprimé

A ENVERS.

# GENEALOGIE

OV L'EXTRACTION ET VIE DE  
IULLE MAZARIN,

A present Cardinal & Ministre d'estat en France.

**L**A premiere chose que ie demande de toy (amy Lecteur) est la Louange que tu dois à Dieu, de ce que tu peus lire en France, ce qui s'ensuit, & sçauoir comme si tu auoies esté sur les lieux de la Naissance de la personne de laquelle ie pretends te faire voir icy vn abregé.

Pierre mazarin estoit natif de Scicille, lequel estoit Marchand, & apres auoir negocié quelque temps, soit qu'il aye esté ruyné par les iniures du temps, ou autrement, il fut contrainct de faire banquerouste de sommes immances, & pour la surrete du reste de son bien, prit la fuite & se refugia à Rome, avec sa famille, de laquelle il auoit deux fils, dont lvn estoit Archeuesque d'Aix, & a present Cardinal de sainte Cicille, & l'autre Iulle mazarin, non encore en aucune charge.

Cetuy Iulle mazarin commançant à deuenir en aage competant, se mit à seruir en la maison de messieurs les Colonneze dans la Ville de Rome

&

146  
263

& apres en celle de Sachetty , aucc l'argent des-  
quels non de petites sommes , pour luy eu esgard  
à sa condition , par diverses voyes & particulie-  
rement par celle du Ieu: devint grandement pecu-  
nieux . L'affection que messieurs de Sachetty luy  
portoient luy causerent le commencement de sa  
fortune , car l'ayant mis en bonne estime aupres  
du Cardinal Antonio Barbarin , il le prit en sa  
Cour , lequel pour monstrar l'affection qu'il por-  
toit à la maison de Sachetty , il l'auroit fait mettre  
en dignité & Prelature , sollicitant de tout son  
pouvoir le Pape Vrbain 8.lors seant en la Chaire  
saint Pierre , de l'envoyer pour Nonce aupres de  
Charles Emanuel Duc de Souoye , ce que sa Sain-  
cteté octroya à Antonio .

Mais auparauant cette legation , pour accor-  
der les differends qui estoient entre l'empereur ,  
le Roy d'Espagne , & le Duc de Mantoue , & faire  
partir les François de Cazal , il passa au mont Fer-  
rat où il negocia , & par son intelligence secrete  
fit sortir les François par une porte , & entre par  
une autre : ayant premierement fait partir les Es-  
pagnols & Allemans hors de mantoüe , laissant les  
François dans Cazal ; mettant par ce moyen la  
conscience & l'honneur d'Vrbain en compromis ,  
trompant frauduleusement , non seulement le  
Roy d'Espagne , mais encore l'empereur , d'où

s'en sont ensuivies les sanglantes guerres & Batailles de l'estat de Millan , Flandres & Allemagne.

Par le moyen de cette negotiation, il se mit dans la bien ueillance du ROY tres-Chrestien, puis entra en affection avec le Cardinal de Richelieu, lequel croiant l'esprit de Iulle , propre aux desseins quil avoit pour le bien de la Couronne, auroit demandé à sa Saincteté le Chapeau de Cardinal , pour Iulle mazarin, desirant le remmunerer & gratifier de la trahison par luy faite au ROY d'Espagne , duquel il estoit vassal.

Sa saincteté sçachant le procedé de Iulle , refusa le Chapeau de Cardinal , disant que s'il plaisoit à sa Majesté nommer quelqu'vn de ses subjets ou autre personne, qu'il luy accorderoit volontiers, mais non pas pour Iulle mazarin : Neantmoins sa Majesté pria de rechef sa saincteté avec grande instance il prit cette affaire si à cœur que le Pape fut contraint de lui accorder, le fit appeller au Cardinalat: & pour ne point faire tort au ROY Catholique & ne voulant estre en mauuaise gracie avec luy, auquel il auoit refusé la mesme chose pour Contalco, il lui accorda pareillement, & fut aussi appellé au Cardinalat, & en excluds le sieur Visconty , auquel il l'auoit auparauant refusé, luy ayant esté demandée par la Couronne de Pologne.

Tout

5

Tout cecy a succedé la mort du Cardinal de Richelieu , apres laquelle il a commandé en sa place, ayant esté iceluy Mazarin, par luy recommandé à sa Majesté , elle le fit son Conseiller d'Estat, dont il y en eut qui conceurent grande haine contre luy , Ce Cardinal est de venu si riche & si opulant qu'il s'estime avoir plus d'or & d'argent qu'aucun seigneur de l'Europe : il a acheté le fameux Palais du defunct Cardinal Bentiuoglio, scitué au monté Cauallo, pendant la vie du defunct Pape Vrbain , il a demandé plusieurs fois permission à sa Majesté , de retourner à Rome pour prendre le Chapeau de Cardinal , ce qu'il ne peut obtenir.

La mort de sa Majesté estant survenue , il a regy avec grande authorité , & fust déclaré l'un des executeur de son testament , & pour dire tray il a pretendu assuétir les Princes du sang Royal à ses commandemens , & pour ce subiet , il a supposé que l'on avoit uoulu attenter à sa personne , Monsieur de Beaufort a le premier senty les coups de son indignation , quoy qu'innocent fut enfermé au bois de Vincenne par sa sollicitation , mais ç'a esté un stratagème duquel il s'est servy , pour uoir si la Reyne pourvoiroit à la sécurité de sa personne & l'on luy bailleroit des gardes , ce quiluy a succédé , car ladite Dame Rey-

B  
ne

ie pour l'affection quelle luy porte , la fait chan-  
ger en son Palais , afin qu'estant gardé comme le  
Roy , elle empescheroit qu'il ne fust offendre .

Ce Cardinal est celuy qui dés long-temps a  
recherché à traverser dans le Conclave la felicité ,  
& ternir la gloire du Cardinal Panphilio , & c'est  
encore luy qui aujourd'huy cherche seditieuse-  
ment à intimider le Pape par la uoye & force des  
rmes à se desister de la Justice qu'il a droit de fai-  
re contre les Barbarins .

Il aura le iuste & tres-digne chastiment de sa  
faute .

Dans ce temps arriua à Rome monsieur de  
Senneterre , qui portoit la figure du Roy pour la  
presenter à la sainte Chapelle de Lorette , & par  
iceluy Iulle mazarin enuoya grande quantité de  
richesses en intention de s'en retourner en Italie  
crainte de quelque mauvais succez contre sa per-  
sonne .

Dans ce mesme temps il courut vn bruit à Ro-  
me qui dura assez long-temps , concernant quan-  
tité de grande remises de deniers que ledit maza-  
rin faisoit faire pour luy , ce qui est tout certain  
ayant amassé de grands thresors , mais il n'a rien  
advancé , car pendant que le Pape Innocent di-  
xiesme uivra , il se tient pour assuré comme ar-  
ticle de Foy que Iulle mazarin n'en trera iamais

dans

dans ROME, estant d'Innocent mal affectionné  
& ennemy d'iceluy.

Lemesme Mazarin cause le mal que souffre le Roy Catholique en ses Estats, & pour cet effet il l'a declaré non seulement à lui, mais à tous ses parens traistres & rebelles à ladite Maiesté dans tous ses Estats.

Au temps que Iulle mazarin suiuoit la milice, il estoit grandement vitieux, grand ioüeur & dissolu, & en plusieurs occasions & rencontres il a receu, non de petites, mais de grandes blessures, & notamment pour le differend des femmes, mais a present l'on dit qu'il est plus modeste & qu'il tient sa grauité, & s'attache fort aux bons benefices de France, ne visant pas à la despence pour regaler ceux qui bon lui semble, sachant quil n'y va rien du sien. Comme il a fait aux Barbarins, lesquels il a deffendus, mais le Pape connoissant bien que ce n'est pas le Roy qui les a protegez & que c'est Iulle mazarin, sous l'Auctorité d'iceluy, ne se desiste nullement de l'adversion qu'il a conceu contre lui, enfin ie veux dire les parolles que dit saint Paul,

*Omnis in Iuliani Mali, sicut autem pessimus.*

En la Cour de ROME il y est en tres mauuaise estime pour les seditions que son esprit turbulent y a esmeues contre la Chrestienté il n'est guere

bon amy des Fiorenzela a cause de certains intérêts particuliers & desgousts passéz interenus en consideration du pere mazarin son frere cy-deuant nommé en la religion Dominiquaine du temps qu'il estoit maistre du sacré Palais , & encore lors qu'il fut fait general dudit Ordre.

Tusçait, amy lesteur, qu'il a empesché la conclusion d'vne Paix generalle, pour les desseins qu'il a de d'espouiller le royaume de toutes ses finances, se les appropriant; au lieu de les employer aux affaires de la Guerre , pour lesquelles elles sont destinées: & lors que cet Auguste Senat a voulu prendre cognoissance de tant de millions qui se sont leuez en France, depuis la mort du feu Roy, à par ses pernicieux Conseils, conseilé la reyne d'attenter, sur les Illustres Personnes de ce fameux Parlement qui a causé la reuolution de de Paris , ce qui a failly de perdre Monsieur le Chancelier, & mesme le Grand Maistre de l'Artillerie de France & beaucoup d'autres Seigneurs, mais Dieu nous ayant preserue iusques a present prions le qu'il nous maintienne à tousiours.